

萬卷精華樓藏書記

閩錫山書齋



十六

萬卷精華樓藏書記卷六十八

靈石耿文光斗垣甫

史部十六

目錄類四

絳雲樓書目注四卷

國朝陳景雲注

粵雅堂本 前有檇李倦圃老人曹溶題詞次文道先生行略末有枚菴漫士吳翌鳳記

道光庚戌南海伍崇曜跋倦叟再跋牧翁詞壇老宿晚節不終久爲世笑人不足重生神

廟盛時早歲科名交游滿天下盡得劉子威錢功甫楊五川趙汝師四家書更不惜重貲

購古本書賈奔赴捆載無虛日用是所積充牣幾埒內府搆拂水山房鑿壁爲架庋其中

晚歲浮沈南國委蛇容身物望頓減入北未久稱疾告歸居紅豆山莊出所藏書重加繕

治棲絳雲樓上大櫝七十有三甫十餘日其幼女中夜與乳媼嬉樓上翦燭炮落紙堆中

俄頃樓與書俱盡朱竹垞靜志居詩話譏其以國史自任乃絳雲一炬史稿盡亡將無是

非不公故天阨之耶此目爲翁所自撰各類書名間一格或記冊數或記卷數或祇標書名或冠宋板元板或否緯書祇二種漢書祇元板道藏最多釋藏全略恐非完本伍氏從吳枚庵祕籍輿函寫本中得是書注作硃書蠅頭行草悉心校勘刻入叢書其注爲雙行小字景雲字少章吳人從何義門學門人私謚曰文道先生

經總類

漢篆石經四冊

監本十三經注疏

文光案不知爲宋爲明

六經篆文十冊

文光案余所藏有篆書五經

十三種

易

韓康伯注三卷

陳曰康伯乃殷浩甥生於東晉輔嗣歿於曹魏遠不相逮

孔疏以康伯爲輔嗣門人誤矣

李鼎祚集解

唐人楊中立貶之云是集衆說之不好

者

此類七十三種

書 東坡書解

陳曰在南海時作駁正介甫之說居多

三墳宋張商英僞撰

凡二十種

詩 魯詩正學豐坊僞撰

凡二十一種

禮 韓氏家祭式

陳曰魏公集唐七家祭儀朱子集唐宋諸家古今家祭禮二十卷

凡四種

十四種

樂 陳陽樂書二百卷祥道之弟楊萬里序

文光案琵琶錄琴譜皆在樂類

凡三十種

春秋

東萊博議

陳曰吳虎臣撰左氏發揮六卷比博議爲優

趙汭春秋集傳

牧

翁言此是未成之書擇焉不精凡四十種

孝經 唐孝宗八分書勒石京兆石臺孝經宋乾道中鎮江守臣摹刻於丹徒學宮凡五種

論語 筆解非韓公手筆真本亡佚 家語劉向校王肅注與今本不同王淳之得舊本

欲刻未果其子授陸叔平校梓頗多紊亂凡十種

孟子 蘇老泉批點孟子凡四種

大學 古本大學四種一冊凡六種

中庸 內府板中庸白文凡三種

小學 禮部韻略毛晃增修五卷有進表無序平生精力盡在此書又景祐韻略又淳熙

監本韻略又淳祐劉淵增修韻略號壬子韻略皆五卷 說文字原李陽冰撰賈耽為李

騰序說文字原騰陽冰之姪也又小字說文字原郭忠恕書也凡八十種

爾雅 張楫博雅又著埤蒼古今字詁林凡十種

經解 六經圖七卷宋葉仲堪編凡九種

緯書 雜抄諸緯一冊凡二種

正史 嘉靖間柯維熊家刻史記最佳 正德間汪文盛家有翻刻宋板前後漢書凡二種

種

編年 宋板通鑑三百二十四卷乃合目錄言之頗疑今所傳目錄出後人依託而南宋

刊本已有之則原書之逸久矣 通鑑長編九百八十卷舉要六十八卷并目錄一千六

十三卷今存太祖至英宗朝一百七十五卷哲宗朝二百二十卷徽宗欽宗兩朝三百二

十三卷乾道中上降祕書省依通鑑紙樣繕寫一部未經鏤板遂失傳

文光案簡明目錄五百二十卷原本殘缺從永

樂大典校補佚其徽宗欽宗兩朝與此說不合

晁公武有稽古後錄未見龔頤正著續稽古錄言韓侂冑定策功韓

敗詔毀板元僧覺岸博學強記亦著稽古錄寓史法於是書惜未得見之僧爲建炎樞臣

廬公之孫 宋板中興大事記思陵三十六卷阜陵二卷李燾撰

凡八十種

雜史 涑水紀聞非溫公全書 吳越備史久逸近本乃錢氏幕友范垲林禹同撰非儼

書也錢氏諱佐故以左爲上所謂上右乃左右也

凡六十種

傳記 宋遺民錄未成之書

凡七十種

故事 唐會要采建隆二年進唐蘇冕及弟弁共纂四十卷楊紹復等續之王溥集兩家

書廣爲百卷太祖稱其詞簡而禮備

凡二十種

刑法 傅霖刑統賦二卷詞約義博 龍筋鳳髓判洪文敏譏其堆垛故事不切於蔽罪

議法 凡六種

譜牒 聖師年譜元蕭元益仿史記先聖作本紀泗水侯以下作世家顏子至宋元羣儒作列傳并贊又以六經孔子之言作字訓又作八志 吹藜閣雜俎閣爲宗伯乃翁讀書

處見初學集 凡三十種

史學 讀史管見大概爲秦會之作至論定陶立後等事正欲自蓋其不持生母服之事所謂欲蓋彌彰也故人多訾議之 史通 宋板十七史總類 三十種

書目 吳匏翁書目 內閣藏書目錄 御書樓藏書目 都察院書目 南雍書目

古今書刻目 遂初堂書目堂在無錫九龍山下 甯獻王書目 陸桴聚樂堂藝文志 列卷數撰人世所傳萬卷堂書目非故籍也竹垞云 五百名家書目 皇明史乘 經廠書目 桓瘦齋書目 三十種

地志 太平寰宇記樂史自江南歸朝以賄聞 桑欽水經三卷 宣和奉使高麗圖經

胡身之言紀載多疏略 星槎勝覽詞多鄙蕪陸子淵刻說海中稍加刪潤 十道四番

志記塞外事最詳 劉質諫議祠集 四夷館攷九冊 華夷譯語 凡二百十九種

子總 子華子宋有官本僞書也 小荀子 二十種

儒家 潛虛未成之書 明姚舜牧著家訓真切過於顏氏 公是先生極沒要緊 四十種

道學 黃氏日抄有未精詳處 五十種

名家 劉劭人物志三卷唐杜周士廣十卷 凡二種

法家 慎子十卷宋麻沙本非全書 凡四種

墨家 晏子春秋宋刻十二卷 凡二種

類家 李涪刊誤王行瑜作亂涪盛稱其忠及行瑜傳首京師涪亦放死嶺南 凡十五種

縱橫 陶宏景注鬼谷子 凡二種

農家 昭明太子十二篇即流俗所刊錦帶書 三十種

兵家 元戎龜鑑二百卷王雪溪編記宋代兵制最詳 少林棍法闡宗 宋戴溪將鑑

論斷 茅元儀武備志鹿門之孫自負知兵崇禎間進呈 二十種

釋家 心經注 圓悟語錄 語錄十種 諸佛名經 四十種

道家 鶡冠子宋刻八卷唐以前人手筆 三十種

小說 說郛抄本二十八冊恐非完書 二百種

雜藝 元板草書集韻 劍經 墨娥小品 自出洞來無敵手棋譜也本道人詩見西

溪叢話 陸文裕古奇器錄 獸經 璽史 古今圖籍考 古遺像考 鐘鼎款識法

帖刻於江州 一百六十八

天文 乾坤寶典四百十七卷宋史序 寶元天人祥異書十卷凡三十門章得象 物

象通占 七十

歷算 歷解易覽京氏律歷虞翻解 三十

地理 地理發微論蔡發著元定之父 四十

星命 蘭臺妙選 四字經六

卜筮 龜經秘訣 玉靈照膽經 申菴籤易十一

相法 許負相法 玉管照神六

壬遁 六壬占要 遁甲靈文 邵康節萬物數 四十

道藏 種芝草法 太平經一百七十卷 案此類一百廿七種與所傳道藏目錄不同錢目前有道家後有道書又有道藏莫識其意

道書 盟天錄 易形龜鑑 五雷大法 五十

醫書 宋板脈經指南 案此下有天主教類外教書甚多豈可立類因削去

類書 北堂書鈔一百七十三卷虞書久亡今所行者後人偽造

脩文殿御覽三百六十卷祖珽 鹽梅志八冊 五十

偽書 顏子 於陵子 誠齋雜記元林坤撰十五

六朝文書 宋板陶靖節集末有年譜 案此類十六種

唐文集 宋板黃氏補注杜工部紀年詩史十四冊三十六卷草堂詩有高麗本如水筒

詩何假將軍蓋作佩注引李二師拔刀刺泉事較蓋字爲穩宜從之其爲善本可知 宋

板東萊注杜大禮賦 共四十
七種

唐詩 武后集 唐詩正聲 共一百
二種

詩總集 宋板萬寶詩山二十二冊 共四十
七種

宋文集 後山集所傳多雜僞唯魏衍所編二十卷最善衍後山高第 孫觀鴻慶集字

仲益提舉鴻慶宮故以名集仲益出蔡元長門下蔡敗卽倒戈攻之卒年八十九 高似

孫煙雨集三卷 洪适盤川集八十卷 洪邁野處文集二卷 北宋八十六種
南宋百十二種

金元集 丁鶴年詩集字鶴年西域人戴良作丁高士傳正統中楚藩刻其遺文 金十一種
元一百八

種

明初文集 梟藻集此文集也季迪詩集有數種晚自選定岳鳴集十二卷至景泰間徐

庸合梓其諸集詩爲大全集庸又採永樂至正統四代之詩爲湖海耆英集十二卷徐本

富家以詩名吳人也 胡翰信安集師事黃文獻柳文肅與修元史官止教授 朱存理

野航詩集

凡十九種今所見者止高青邱一冊

文集總

古文苑孔道所輯百卷已亡道齊梁間人見南史今所存九卷本唐人所輯

宋板兩漢文鑑亡名氏

唐文鑑二十一卷賀泰

三國志文類四十卷

唐文類三十

卷陶叔獻編

凡四十種

騷賦

宋板楚辭明江西芙蓉館翻宋刻佳

朱注楚辭齊東野語言趙忠定放逐衡湘

而作

高似孫騷略一卷

古賦辨體

凡八種

金石

陝西金石文

此類九種甚略

論策

元趙天麟太平金鏡策

共九種

奏議

宋板宋名臣奏議十卷呂成公編成公又編歷代奏議趙忠定編皇朝名臣奏議

一百五十卷

元板陸宣公奏議又名牘子集

凡十二種

文說

朱文公游藝至論

凡十八種

詩話 後山詩話放翁云可疑

凡四十
四種

制書實錄 太祖集二十卷又三十卷詩五卷樂韶鳳宋濂編 仁孝皇后勸善書有硃

印厚載之記四字蓋皇后璽也 皇明制書

凡五十五
種皆明書

明實錄 洪武實錄孝陵二百五十七卷胡廣等泰陵二百二十四卷李東陽等大政記

卽此書禁私藏國史易其名 光宗實錄有二本

凡十
七種

明國紀 天潢玉牒 皇明本紀俞本記錄最確 革除錄自宋端儀始凡七種 靖難

錄 鐵券式 皇明憲實袁璽石磬齋藏宋刻摹刊行世最稱善本土林重之國朝典故

三十二冊

共一百
八種

明傳記 李韓公家乘善長 劉誠意翊運錄 解學士年譜 雷禮列卿傳一百四十

四卷又年表六冊 國史列傳二十冊

凡六十一種內年譜
十一種多未見書

明典故 宗藩要例條例多出江陵最爲得宜 諸司職掌仿六典 王樵讀律私箋二

十四卷人服其精博 錦衣衛紀事總目 射評射法 錢希言遼紀收翁從子記遼事

始末極詳

凡二百
十二種

明雜記 黃瑜雙槐歲抄十卷孫佐以案牘足成記國事最核黃佐又著翰林記二十卷

凡一百七十二種

文光案錢氏所收明代書最多大抵備修史之用又割成明臣誌傳並明人文集數百本俱厚四寸餘松陵潘氏購去統共四千二十五種

述古堂藏書目四卷附宋版書目一卷

國朝錢曾撰

粵雅堂本 道光庚戌南海伍崇曜校刊前有錢曾自序末有伍崇曜跋遵王酷嗜宋板此其藏書總目其書多得自牧翁後又售於泰興季氏可與絳雲書目滄葦書目並觀之前有目錄經二百九十三種史一百二十九種子七十五種文二百九種詩一百六十四種詞四十四種詩文評九種四六八種詩話五十二種此下忽出類書三十七種小說三十七種又儀注職官科第三門十三種兵家疏諫二門十八種天文占驗六壬太乙奇門歷法軍占七門九十五種地理輿圖名勝山志游覽別志人物外夷八門三百四十四種釋部神仙二門二十九種醫書卜筮星命相法形家農家營造七門二百五十六種文房器玩歲時博古清賞服食書畫七門一百二種花木鳥獸二門四十種數術藝術二門三十四種書目明寶訓詔令并掌故三門一百一種通共二千八十九種得絳雲之半其門

類元雜破碎不可究詰實莫解其何意也宋板經部二十七種史部十七種釋部七種子部十七種文十五種詩十種類書四種詩話八種詞一種共百十四種

宋本影抄家語王肅注 抄本黃玉巖禮記目錄五十卷十六本 黃佐樂典三十六卷

楊表正琴譜十卷 朱子實記十二卷 抄本六藝總說一卷 宋板說文 房喬晉

書一百三十五卷 王子充續大事記七十七卷 宋板漢律十卷 北宋影抄本楊子

法言 抄本文子元經二十卷 宋板文選李注 宋本影抄杜工部集吳若本 朱

文公大同集六卷 宋板二十家注杜集趙次公注杜集黃鶴千家注杜詩蔡夢弼草堂

詩箋 抄本葉贇四六叢珠四十卷 抄本李橘山四六十卷 尺牘清裁六十卷 內

府抄本內閣書抄六十卷 抄本輿地圖嶺海輿圖建昌諸夷圖安南圖志 太師比干

錄 抄本東國史略十卷北虜世系考百夷傳華夷進貢譯語 內府圖畫本文殊成道

記 宋板傳燈錄五燈會元 抄本杜光庭墉城集仙錄六卷許真人八十五化三卷

抄本元珠密語十七卷楊文德太素脉訣一卷 宋板錢如璧三辰通載三十四卷 抄

本太乙星書三卷袁忠徹古今識鑑八卷人象大成二卷 抄本皇明書畫史賈秋壑蟋

蟀經 吳文定藏書目錄 脈望館書目 古今圖籍考 抄本天潢玉牒帝后紀略祖

陵紀略皇明詔令十二卷國朝典故一百卷 大明宮制十六卷 廠庫須知十二卷

南河全考十卷 漕船志八卷

以上述古目

毛詩鄭箋二十卷八本 毛晃增修禮部韻略 說文三十卷標目一卷四本 隸韻半

部 吳書二十卷八本 章衡編年通載十五卷二本 歷代紀年二十卷四本 氏族

辨證三十卷五本 輿地紀勝二百卷二十本 政和本草二十卷二十本 玉靈聚義

五卷二本

卜筮類

御覽一千卷

抄本配全 以上宋板書目

讀書敏求記四卷

國朝錢曾撰

耆英堂本 乾隆六十年橋李沈炎校刊前有乾隆十年沈尙傑序沈炎記胡重誠跋後

有曹一士跋是書經史子集各爲一卷經部曰禮樂曰字學曰韻書曰書曰數書曰小學

凡七目書則石鼓文字要之類小學則方言蒙求之類史部曰時令曰器用曰食經曰種

藝曰參養曰傳記曰譜牒曰科第曰地理輿圖曰別志凡十目子部曰雜家曰農家曰兵

家曰天文曰五行曰六壬曰奇門曰歷法曰卜筮曰星命曰相法曰宅經曰葬書曰醫家

曰鍼灸曰本草曰方書曰傷寒曰攝生曰藝術曰類家凡二十目集部曰詩集曰總集曰

詩文評曰詞凡四目共四十一類其分部經史多未允子部太瑣碎且寥寥三五種卽爲一類不可爲法原本未見乙丑本因吳興趙氏之本重爲校梓此刻改正數十處俱詳於記板尙工整完善蓋卽已丑板而修補者也

胡氏跋曰遵王述古堂書目凡三千餘種此記僅六百種蓋義門所稱專記宋板元鈔及書之次第完缺古今不同者也此書未刻之先得見者罕竹垞典試江南以黃金翠裘賂遵王侍書小史肱篋得之半宵寫成可見祕不示人矣雍正丙午趙孟升用亨氏始授諸梓乾隆乙丑嘉興明經東里沈公重校以行公之文孫葭士因齋中板片歲久漫漶乃取善本校勘訛者刊之缺者補之浹旬乃竣葭士三世聚書家學淵茂晨夕一編丹黃不輟服其用心之勤爰綴數語於簡末

曹氏跋曰趙子用亨爲文敏之後少有才學播於時流

拜經樓藏書記曰此刻視鈔本間多舛譌未得一校 汪氏振綺堂校錄瓶花齋藏本亦未爲盡善 絳雲藏書三千九百餘部牧翁畢生之菁華萃於此矣 竹垞置楷書生數

十於密室中半宵寫成返之當時所錄并絕妙好詞在焉詞既刻而遵王漸知恐其流傳於外也竹垞乃設誓以謝之 竹垞抄本珍秘不出暮年授族子寒中先君子以重價得

之吾友趙君用亨刻之吳興卷端冠序一首借傳編修玉筍之名傳不知也偶見其書大怒且以舊史官三字爲犯時忌徧告當事欲毀其板幾允所詣先君子解紛乃已然用亨亦因此愧憤不復刷印示人矣錢唐吳誠記於瓶花齋 竹垞典試日龔方伯大會諸名士於秦淮河邊王與焉是夕抄得此書並絕妙好詞予從馬塞中得此本惜其字多謬誤蓋半宵寫成未及校對收翁以十萬金錢購致奇書此所謂選其精華也何焯記 雍正甲辰至月蟬花居士取禦兒呂氏明農草堂善本手校

周易十卷王韓注有貞元伯雅二圖記知是鳳洲藏書 乾鑿度二卷皇極經世之先資

與 乾坤鑿度二卷此等書唯宋本行次恰當范欽訂刊者字句譌謬紊亂失序脫却原意 元包多奇字非釋音不可讀 公羊何休解詁十二卷此北宋本之精絕者故附釋

文於經傳後若南宋人刻便散入各條注下矣 何晏論語集解高麗舊抄本筆畫奇古

如隸書牌板行間所注字中華罕有識之者洵爲書庫奇本末題堦浦道祐居士重新命

工鏤梓正平甲辰五月吉日謹誌未知正平是朝鮮何時年號俟再考之 孟子注疏是

叢書堂錄本簡端五行爲匏翁手筆監本建本多脫誤乃知匏翁抄此爲不徒也 王肅

注家語從東坡本抄出俗本多脫誤南宋刻亦不如此本之佳也 孔子集語所引書多

不可見方山吳岫多舊抄此其一也 經典釋文葉林宗從絳雲樓北宋槧本影摹逾年
林宗好奇書我兩人互相傳錄君之介弟石君卓識洽聞著史論甚佳 刊謬正俗此書
尙非定本汪應宸題所疑於尾頗爲有識 家禮十卷文公居母喪所著初成失之歿後
始出楊復附注并載諸圖而劉垓又增注之 說文繫傳世罕有之李巽岩魑訪僅得七
八闕卷誤字無所是正 孱守居士云汗簡因古文字少援文就部以足其數其實則非
也居士爲吾友馮舒別號癸巳老人藏書多異本吾邑宿素也 增廣鐘鼎篆韻七卷王
楚作鐘鼎篆韻薛尙功廣之楊鉤信采金石奇字益以黨氏韻補所未備係篆文於唐韻
下而以象形奇字等終焉序後有洪熙侯書籍印章摹寫精妙凡楊增俱用朱印界之內
府所傳本也吾衍續古篆韻六卷趙靈均手抄本小完堂藏書

文光案此書四庫未收阮相國以舊抄錄進至道光間金陵陳氏乃有此刻所載卽石
鼓詛楚等文以韻編之

私印之作盛於元子行獨精其藝能變宋末鐘鼎圖書之謬故子昂亦效其法虞揭諸公
皆重之人品高潔非獨一藝成名也 從古正文一卷篆文正楷點畫不容少差此書存

其遺跡且依韻易檢 百壽字圖宋史渭刻於夫子岩明趙璽又得二十四幅編爲一卷